

**PREGUNTA DE AER SOBRE A OCUPACIÓN SEN PERMISO DUNHAS LEIRAS PARA
AMPLIAR UN CAMIÑO EN SAXAMONDE**

PLENO 31 MARZO 2015. ACTA 06/2015

Hai dous anos pedimos por rexistro o expediente das obras do Camiño da Pregoza, asfaltado e ampliación; de momento aínda non acadamos resposta.

Hai dous meses retomamos o tema e volvemos facer, dúas veces máis, petición por rexistro deste expediente. Por se non se sitúan, é un camiño na parroquia de Saxamonde en fronte ao bar O Labrador. O caso é que vostedes ampliaron e asfaltaron este camiño collendo parte de leiras de veciños sen o seu permiso.

Temos que sinalar tamén que nunha destas leiras non fixeron ningún tipo de valado de contención, o que fai que o camiño e a capa de asfalto se vaia desfacendo e caendo nunha delas. Na outra leira desfixeron o muro de peche sen volver construílo una vez rematadas as obras. Tamén invadiron dúas minas de auga unha en cada leira.

Estamos fartos de pedir o expediente da obra, ou no caso de non existir, toda a documentación relativa a ela. A única resposta que obtemos de xeito verbal, nunca por escrito, é que non hai nada, ou que non aparece nada. Polo que acreditamos no que din os afectados: “ocuparon” parte dos seus terreos sen permiso para levar a cabo a ampliación do camiño.

Por todo isto preguntamos ao alcalde:

Que pensa facer para subsanar estes erros ou compensar os afectados?

O concelleiro ALVAREZ BALLESTEROS di que non hai ningunha queixa por escrito nin teñen constancia de ningunha petición.